



I l mas-chalch da Sent

Publicaziuns officialas. Cumpara seguond bsögn.
2006/2008
no. 17

7554 Sent, 21 settember 2006 / mw

Publicaziun da fabrica

Reguarda: Müdamaint da fatschada, recloma, parcella no 172, Plaz 154, 7554 Sent
Patrun da fabrica: Grotta da cultura, sar Gian A. Albertini, 7554 Sent
Profilà: ---
Publicaziun: 21-09-2006
Termin da protesta: 12-10-2006

Publicaziuns da fabrica BAB

Reguarda: 2 punts pendossas, Laviner da la Crusch, 7554Sent/7556 Ramosch
Patrun da fabrica: Cumün da Sent, Chasa cumünala, 7554 Sent
Profilà: ---
Publicaziun: 21-09-2006
Termin da protesta: 12-10-2006

Reguarda: Stabilisar il grip sur la chamonna da chatscha Curtinatsch, parcella no 9, Curtinatsch 403, 7554 Sent
Patrun da fabrica: Jon Erni, Seestrasse 147A, 8800 Thalwil
Profilà: ---
Publicaziun: 21-09-2006
Termin da protesta: 12-10-2006

Reguarda: Saiv da giatter intuorn la stalla existenta, parcella no 749, Crusch 307, 7554 Sent

Patrun da fabrica: Jon Carl Rauch, Crusch 305, 7554 Sent

Profilà: 14-09-2006

Publicaziun: 21-09-2006

Termin da protesta: 12-10-2006

Ediziun: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Avis: Interrupziun da la forza electrica a Sent

Tenor comunicaziun da l'Energia Engiadina daja in **mardi als 26 settember 2006 da las 08.00 a las 11.00** ün'interrupziun da la forza electrica. La forza electrica vain interrotta in plüssas parts dal cumün, in pustüt la part vest dal cumün da Sent.

Chancellaria cumünala

Palperi vegl

In **mardi, als 24 october 2006** a partir da las 08.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

La scoula

Archiv cultural – agüd dals cumüns

L'administraziun da la PEB ha comunicchè fingià plüssas voutas chi detta la pussibilità da surdar documainta veglia per l'archiv regional chi's rechatta a Vulpera illa Villa Erica. Causa cha l'actività da quist archiv nu para da funcziunar fa la PEB als cumüns la seguainta dumonda:

Daja aint ils singuls cumüns persunas (pensiunadas) chi han interess dad ir davo a quista documainta, tilla tscherchar in pustüt in occasiun da rumidas da chasas veglias, fusiuns dad impraisas da plüssas generaziuns, etc.?

Sch'inchün vess interess da surtour quista lavur pe'l archiv cultural, giavüschaina dad annunzchar quai a la chancellaria cumünala a Sent.

Chancellaria cumünala

Ramassamaint da büschmainta e s-charpas

Dals 26 als 28 settember 2006 vain ramassada tras las dittas (Terre des hommes e la ditta Contex) büschmainta veglia e s-charpas douvradas.

Las dittas manzunadas sustegnan cun quistas entradas, als uffants in bsögn, i'ls pajais esters. I'ls ultims dis sun gnüts scumpartits duos sachs, per deponar büschaminta e s-charpas. L'alp e nair per büschmainta e textilia e quel gelg e cotschen per s-charpas.

Per plaschair deponar quists sachs tenor avis süls sachs, la bunura avant las 08.30 bain visibel da la vart da la via.

Las duos instituziuns ingrazchan ouravant a la populaziun per quist agüd.

Contex SA

S-chargiada d'alp e vendita da chaschöl gio dal char

Sco üsità daina eir quist on la pussibilità a tuot la populaziun da cumprar chaschöl da Lavèr gio dal char al di da la s-chargiada d'alp.

Predsch dal di: SFr. 16.00 al kg (pais da pressa)

Cura: Sonda, 23.09.2006 da las 10.00 fin las 14.00

Ingio: Davant chascharia

Per la vendita ed ün'ustaria cun latmilch ed oter prodots pisseran ed invidan amiaivelmaing

Las pauras ed ils paur da Sent

Dumengia als 1. october 2006, Festa d'ingrazchamaint e da la racolta

A las 10.00 Cult divin per tuot la famiglia, imbelli dals uffants da la terza classa. Cun Soncha Tschaina, rumantsch.

L'inbellimaint da la baselgia es la sonda avant tanter las 13.00 e las 14.00. Frütta, verdüra e fluors sun fich bainvissas.

Sperond sün üna gronda partecipaziun As salüda

Il comitè da pravenda

Ballarait per homens

A partir da **subit** ans chattaina mincha **venderdi a las 20.30, in chasa da scoula** per giovar a ballarait. Partecipants novs sun fich bainvis.

Il manader, Christian Poo

Avis da duonna dr. med. Iris Zürcher, Curtin 13, 7554 Sent /

Mitteilung von Frau Dr. med. Iris Zürcher, Curtin 13, 7554 Sent

La pratcha resta serrada da dumengia, ils 24 settember 2006 fin dumengia ils 1. october 2006 causa vacanzas. *Die Arztpraxis bleibt von Sonntag, 24. September 2006 bis Sonntag, 1. Oktober 2006 wegen Ferien geschlossen.*

In cas urgients dà il nomer da telefon **081 864 12 12** cuntschaint che meidi da chasa chi ha piket. *In dringenden Fällen erfahren Sie über die Telefon-Nr. 081 864 12 12, die Telefonnummer des diensthabenden Hausarztes.*

Dna. Dr. med. Iris Zürcher

cultura

15.00 - 15.45
chasa da scoula

dibalibumbala

spectacul da clowns

cun

Luismi ed Annina

(per grond e pitschen)

14-10-06

16.15
grotta da cultura

avertüra ufficiala

da la grotta da cultura

cun

Jon Carl Rauch

(capo cumünal)

Gian Andri Albertini

(president grotta da cultura)

„**polca grotta**“ da Hans Neuenschwander
e clowns



16.30-20.00
grotta da cultura

portas avertas

19.00-22.00
grotta da cultura
Rezia/tenda

musica populara

cun **Evar, Klaus, Jon e Hans**

sketch

culla **gruppa da teater**

da **Sent**

18.15
sala hotel Rezia

tschaina

20.15
grotta da cultura

de mundo a mundo

spectacul audiovisual e teatral

cun

Luismi (actur)

Annina (actura)

Adriana (actura)

Alicia (video)

16.30-20.00
Plaz (tenda)

tè, cafè, vin chod, punsch,
bavrondas fraidas,
panins, cakes

23.15
grotta da cultura

üna parabla per creschüts

quintada da **Doris Leuenberger**

vendita da bigliets

(a partir dals 9-10-06)

Sent Turissem

dibalibumbala

de mundo a mundo

uffants:

creschüts:

(plazzas limitadas)

5.-fr.

10.-fr.

20.-fr.